

中華郵政總局特准掛號認爲新聞紙類
中華民國十二年三月十三日出版

京北公報

第二百二十二期

星期二

京兆公報第二百一十二期目錄

命 令

大總統令

本公署公牘

訓令二十縣知事據京兆師範學校呈送本校第五級學生畢業姓名籍貫單請令縣儘先派用合行檢抄名單令仰遵照文(附名單)

訓令二十縣知事據京兆教育行政會議議決地產捐改銀幣及銅元入款折徵銀元兩案令仰按照地方情形斟酌款項性質妥籌辦理

文(附原案並審查結果)

訓令二十縣知事據京兆教育行政會議議決挪用學款懲戒辦法一案合行印發原案並辦法三條令仰遵照文(附原案併審查結果)

訓令二十縣據京兆教育行政會議議決各縣教育經費應切實整頓俾能獨立以杜紛糾而利教育之發展令仰遵照切實辦理文(附原案暨通則)

訓令順義縣知事據本署視學張鶴浦報告視察該縣學務情形縣立第一高等小學校等應嚴加整頓以收實效令仰查照認真辦理文

批趙泉呈一件

批張振昌等呈一件

批李蔭棠等呈一件

批萬城臣呈一件

批宋榮望一件

批董珉等呈一件

批謙吉等呈一件

批王季氏呈一件

批黃慎齋呈一件

批張維成等呈一件

批麟厚呈一件

批賈德隆呈一件

批三興成等呈一件

批楊趙氏呈一件

批張致豐等呈一件

批尹承福等呈一件

附錄

視學員張鶴浦視察順義縣學務報告書

(未完)

＊命令＊

大總統令 二月二十七日

財政總長劉思源呈署財政次長凌文淵呈辭署職仍回參事本任凌文淵准免署職著仍回參事本任此令
任命蘇錫第爲財政次長此令

內務總長高凌霨呈署內務次長劉馥懇辭署職仍回參事本任劉馥准免署職著仍回參事本任此令
任命王嵩儒爲內務次長此令

督辦宮家壩黃河決口堵合事宜田中玉會辦勞之常呈請准免兼職田中玉勞之常均准免去兼職此令
特派熊炳琦兼任督辦宮家壩黃河決口堵合事宜此令

派張慶瀛會辦宮家壩黃河決口堵合事宜此令
派鄧邦述督辦下關商埠事宜此令

司法總長程克呈湖北高等審判廳廳長林葆調部另有任用請免本職林葆准免本職此令
調任凌士鈞署湖北高等審判廳廳長此令

調任馬恩侯署直隸高等審判廳廳長此令

大總統令 三月一日

劉邦驥授爲陸軍中將此令

教育總長彭允彝呈陝西教育廳廳長沙明遠呈請辭職沙明遠准免本職此令

任命楊銘源爲陝西教育廳廳長此令

署外交總長黃郛呈請任命馮國勳兼膠澳交涉員應照准此令

茲制定縣自治法施行日期及施行區域令公布之此令

教令第四號

縣自治法施行日期及施行區域令

縣自治法自民國十二年九月一日於甘肅省所屬皋蘭縣狄道縣導河縣天水縣隴西縣武都縣平涼縣慶陽縣涇川縣固原縣西寧縣寧夏縣寧朔縣中衛縣張掖縣酒泉縣武威縣平羅縣鎮番縣山丹縣施行

大總統令 三月五日

曹錕加陸軍上將銜此令

劉夢庚加陸軍上將銜此令

大總統令 三月三日

任命余榮昌兼司法官懲戒委員會委員長此令

財政總長劉恩源呈請將蕪湖關監督陶洙免去本職陶洙准免本職此令

調任馬振憲爲蕪湖關監督此令

任命何炳麟爲安徽財政廳廳長此令

大總統令 三月六日

比年各方勢極積不能平始於集權分權之爭循演黨同伐異之劇浸假牽及軍事仇怨相尋離析分崩至有今日長此以往匪第政治難期澄清而軍人亦同作繭前車已覆來軫方道與其自誤以誤人何如自救以救國自此次明令以後所有統兵各將領務期袍澤一體永遠脫離政爭至奔走政治者尤應各循正軌以盡其愛國之忱切勿假藉武力希圖自重國家前途庶幾有豸本大總統有厚望焉此令

特派黃郛兼充外交委員會委員長此令

李傳業高世讀均授為陸軍中將此令

內務總長高凌霨呈署安徽政務廳廳長阮忠植另有任用請予免職阮忠植准免署職此令

任命章寶毅為安徽政務廳廳長此令

內務總長高凌霨呈安徽全省警務處處長兼省會警察廳廳長王善荃請予免職王善荃准免本兼各職此令

任命趙國琛為安徽全省警務處處長此令

大總統令三月七日

財政總長劉恩源呈察哈爾財政廳廳長兼張虎多稅關監督李恩慶因病懇請辭職李恩慶准免本兼各職此令

任命余詒為察哈爾財政廳廳長此令

財政總長劉恩源呈請將揚州關監督謝宗華免去本職另候任用謝宗華准免本職此令

命 令

三

命 令

四

任命劉同春為揚州關監督此令

● 本 署 公 牘 ●

訓令二十縣知事據京兆師範學校呈送本校第五級學生畢業姓名籍貫單請令縣儘先派用合行檢抄名單令仰遵照文

案據京兆師範學校呈稱竊本校第五級學生共三十二人所有畢業手續均經呈奉核准在案茲查師範學校規程第五十七條內開本科畢業生應在本省小學服務等語恭懇尹憲令行各縣將此次畢業生儘先派用俾盡本務將畢業生姓名籍貫繕單呈閱外理合具呈鑒核施行等情並附畢業學生名單到署除分行外合行檢抄名單令仰該縣遵照派用俾便服務此令

附名單

京兆師範學校本科第一部第五級畢業生姓名籍貫單

姓名	年 齡	籍 貫	姓名	年 齡	籍 貫
殷祖赫	二十二	房 山	劉澤增	十九	固 安
劉寶仁	二十一	順 義	殷宗甲	十九	房 山
鄭奎麟	二十三	永 清	楊 汾	二十三	固 安
鍾輔文	二十一	懷 柔	張希良	二十一	薊 縣
王 鉞	二十一	固 安	邱 塈	二十二	平 谷

雲景榮	張汝培	王介人	李毓才	王廣居	沙德輝	蕭榮輝	邱桂	甄恩海	甄國瑞	潘瑞增
十九	二十	二十二	十九	二十	二十一	二十	十九	二十三	二十二	二十
武清	房山	固安	寶坻	安次	涿縣	涿縣	武清	大興	武清	房山
張世文	趙恒元	李佩麟	汪文源	宋深	雲景林	楊蘭亭	閻作民	趙澤	張紹先	王濟
二十二	二十三	十九	二十	十九	二十	二十	二十四	二十一	二十二	二十
固安	霸縣	安次	薊縣	良鄉	武清	三河	安次	霸縣	安次	永清

訓令二十縣知事據京兆教育行政會議議決地產捐改銀幣及銅元入款折徵銀元兩

案令仰按照地方情形斟酌欸項性質妥善辦理文

案據京兆第四屆教育行政會議呈稱地產捐改收銀幣及銅元入款折徵銀元兩案合併審查決定呈請採擇施行等情到署查各縣教育經費收入多係銅元近因銀價日增其無形虧損自係寔情如不亟思補救將來更不易支持所擬按銀元折徵辦法寔為切要之圖惟各欸之性質不同而各縣之情形亦異必須慎重斟酌

公 牘

六

酌方易施行除分行外合行令仰該知事按照地方情形斟酌款項性質妥善辦理呈報查核切切此令

附原案并審查結果地產捐應改收銀幣案

通縣高小校長 潘文翰 郭錫麟 提議

查學校收人以地產捐爲大宗議辦之初本擬隨糧代征銀幣繼以地方反對遂改征銅元每畝四枚二枚不等在彼時銀價每元合銅元一百二三十枚年來銀價增漲現至每元一百八十餘枚而未止微論款項收入少不敷開支即在豐年照額收足亦每元短少四角上下用款機關悉以銀計日形窮困何怪其然以通縣論十年份地方經費業以停支來日方長伊於胡底說者謂量入爲出力行減政亦消極之一道殊不知物價騰湧卽照額開支已形竭蹶何堪再減學務旣不能停辦對於財政不積極開源寔無術以善其後本會員爲維持學務計擬請尹憲通令各縣凡地產捐征收銅元者一律改征銀幣如恐人民負擔過重擬準當年百二三十枚之銀價將四枚二枚銅元折成現洋征收用維學務現狀而免將來之停閉是否有當請公決

通縣 教育股員朱詠慶 勸學所長張乃磨 提議

查近數年來銀元行價騰漲異常所有教育入款關於銅元一項較數年以前若折合銀元列諸預算每元已虧至四角左右之多儻不急爲補救其影響於教育前途者尙不知伊于胡底茲擬議請尹憲通令各縣將教育入款關於銅元一項准按民國五六年時之銀元行價酌量捐額以銀元爲本位折定征銀標準嗣後無論銀價漲落卽均按此標準折征由無定而有定以有定而無定庶收及早補救之效且免日久遞虧之處是否有當敬請公決

地產捐應改收銀幣案

請將教育入款關於銅元一項改按銀元折征以便及早補救而免日久遞虧案

以上二案合併審查

審查結果

查銅元入款近因銀價騰漲預算日虧自不待言惟究應如何折征銀元之處各縣情形不同恐難畫一茲從本審查會將此兩案合併審查討論結果銅元折征銀元事在必行擬請

尹憲令行各縣斟酌地方情形認真辦理呈覆核奪

訓令二十縣知事據京兆教育行政會議議決挪用學款懲戒辦法一案合行印發原案

并辦法三條令仰遵照文

案據京兆第四屆教育行政會議議決挪用學款懲戒辦法一案請採擇施行等情到署查學款不准挪用本公署早有通令各縣遵行在案乃近來各縣間有因挪用學款發生糾葛者原案所稱自係實情其所擬辦法亦尚切實除分行外合行印發原案併辦法三條令仰該知事遵照併查明該縣學款如有挪用等情迅籌歸還方法呈報查核自此次通令後倘再發生有挪用情事即按照所定辦法施行決不寬貸切切此令

附原案併審查結果

請議定挪用學款懲戒辦法通令各縣垂爲定案以絕覬覦而維教育案查學款不准挪用不啻三令五申乃挪用者自挪用而被挪用者仍不能禁止其挪用殊非京兆教育之福又况挪用者雖不只地方長官而地方

長官之挪用寔居多數彼既有名可藉有詞可措凡屬教育中人即肯大放厥詞以死力爭亦只可援引不准挪用之空洞功令恃爲鐵證究竟官紳相較其最後之勝負誰屬不言而喻矣茲擬議定懲戒辦法通令各縣垂爲定案庶將來再有覬覦學款之人知所畏懼而不敢昌然嘗試似此辦理實於京兆教育前途裨益匪淺是否有當敬請公決審查結果

查挪用學款之舉近來層見迭出倘無確實懲辦之方實不足以挽狂瀾而昭炯戒原案所列兩條辦法固屬甚善茲經本審查會詳加討論擬再增一條作爲第二條即將原案所判第二條移作第三條以期愈加嚴密

按原案辦法增加第二條其全文如左

一縣知事挪用學款除責令償還外仍應酌量款數多寡情節重輕由尹憲予以記過減俸撤任等項處分一二縣知事卸任時對於任內經手學款倘有挪用或交代不清情形應不准另就他項職任

三非教育機關挪用學款除責令償還外仍應酌量款數多寡情節重輕由縣知事將當事人予以減薪免職等項處分

訓令二十縣知事據京兆教育行政會議議決各縣教育經費應切實整頓俾能獨立以

杜紛糾而利教育之發展令仰遵照切實辦理文

案據京兆第四屆教育行政會議呈各縣教育經費應切實整理俾能獨立以杜紛糾而利教育之發展諮詢案及會員提議地方學款概另行存儲案合併審查并據定通則五條經大會通過呈請採擇通令施行等情到署查教育經費獨立以劃清界限另行存儲爲要端而征收支出保管各手續亦必有明文規定方易遵循

其所據通則五條尙屬周密除分行外合行連同原案及通則令仰該縣知事遵照切實辦理并迅速妥擬施行細則專案呈報查核切切此令

附原案及通則

各縣教育經費應切實整理俾能獨立以杜紛糾而利教育之發展諮詢案

各縣教育經費約分兩項（一）縣管之款（二）各機關自收自用之款兩項之中又有專款及活動分配款縣管之款項劃清者固居多數未劃清者亦尙有之各縣固有以未劃清之故不免挪移他用即業已劃清之款亦間有移此就彼因而發生糾葛者於教育前途之發展寔有障礙然與其追索於事後何如防止於機先則莫要於使各縣教育經費獨立之一法也查教育經費獨立本教育行政上之原則而又爲現代潮流之所趨重其宗旨極爲正大特辦法須加研究耳至各機關自收自用之款雖係習慣相沿未能遽改亦不可任其含混亦應一併切實整理除其舊習宏我新規茲將大綱問題四項條舉如左尙希詳爲討論分別擬定呈候採擇施行（一）各縣舊有款目應屬於教育之範圍即以各縣所送十一年教育經費分配預計表爲標準其中有與非教育經費混合征收曾經將教育經費部分劃清者仍照原案之規定辦理尙未劃清者由各縣自行會議劃分後呈署備案

二各縣此後續籌之款應屬於教育之範圍以將來籌款時之理由及事實爲標準其有混合籌集者由混合籌集負責人員之協議定之

三征收及保管之方法 應研究各縣情形就其共同之處規定京兆各縣教育經費征收及保管通則由各

縣自定詳細施行規則以期適用

四各縣各機關自收自用之款亦應擬定調查整理方法俾各縣全縣教育經費澈底清釐以祛積弊

地方學款概應另行存儲案

平谷縣勸學所所長薛榮坤提議

百事之舉端賴經濟若學款之不足自爲另一問題其有學款已行籌定每以存儲不良移動拮据而使學校頓起恐慌之象馴至教員學生間有因此停頓之時於教育行政上空碍良多此不謀補救之策也夫欲存儲穩固而無動移之弊惟有另款存儲之一法應請 尹憲轉令各縣一體遵行茲將詳明辦法列後請付 大會公決

地方學款另行存儲辦法

一關於地方學務常年經費應由征收機關劃清數目另行存儲於殷實銀錢行號歸勸學所自行分配概不能移作他款及臨時經費之用

二勸學所支付各款概取公開主義凡有關係各校皆有參議檢查之權

(說明)凡學款與地方款項未行分離各縣皆宜以此爲原則其地方各款與學款有徵收手續上未能劃清之處以及學款另行徵收者皆應以學務常年經費爲主要問題儘先提取存儲其餘再作他項開支以免擾害現狀之弊

各縣教育經費應切實整理俾能獨立以杜紛糾而利教育之發展諮詢案地方學款概應另行存儲案 以上二案合併審查

審查果結

教育經費理應獨立爲近今大勢所趨無待贅言茲經詳細審查關於諮詢案第一項所列問題擬請

尹憲通令各縣將前籌教育經費已劃清者仍照舊案辦理不准絲毫挪用未劃清者尅期秉公分割不得再行含混至關於諮詢案第二項所列問題擬請尹憲通令各縣嗣後續行籌款之時如有關於教育部分應即將議定款數及籌辦情形專案呈明備查以防攙雜等弊又關於諮詢案第三第四所列各問題及提議案第一第二所列各辦法不外征收支出保管三端茲將各縣應行注意之通則臚列於後至各縣施行細則應如何規定方昭妥協之處擬由各縣參照通則酌量呈擬以期易於遵循而免諸多不便

計開通則如左

- 一各縣教育經費其屬於縣署收征者應按月發交指定銀行或殷實銀號妥爲保存不准藉端勒指其屬於各機關自征自用者應按月將收支各數目分別報告縣署及地方會計經理處以昭核實
- 二地方會計經理處關於教育一切出款應將支付書經由勸學所蓋章方能發生效力若有非教育機關或非教育事項而地方會計經理處竟私准其侵支教育經費者應卽科以擅挪學款之專條不准稍事寬假
- 三各縣經費無論縣署徵收或各機關徵收均須將收款存根及摺據送交勸學所查閱蓋章繳回以示公開而明真相

- 四地方會計經理處應按月將各項教育經費收支細數開單送交勸學所以防暗中牽混騰挪等弊
- 五經徵人員除應領薪金外所有手數料等弊應卽一概刪除不得再行支用以重公款

訓令順義縣知事據本署視學張鶴浦報告視察該縣學務情形縣立第一高等小學校等應嚴加整頓以收實效令仰查照認真辦理文二月二十六日

據本署視學張鶴浦報告視察該縣學務情形前來詳加察核縣立第一高等小學編制整齊表簿完全教授亦有可觀惟教室多遷就宿舍太散漫公賣部工作部閱覽室均付闕如應設法修建增添以期完善龍王頭國民學校管教有方固屬可嘉惟學生既以發達應擴充一級以資容納縣立第二高等小學石各莊國民學校南彩國民學校下營國民學校楊各莊國民學校楊各莊寇氏私立國民學校牛欄山國民學校設備未全管教不合後橋國民學校前俸伯國民學校杜各莊國民學校學生多留髮辦教授亦多缺點城內第一第二第三國民學校均含私塾性質教授無法應即分別飭令從速改良河北村國民學校精神換散教員許名華拘守文詞不善引導應令注意研究該校經費尙裕宜擴充一級藉以取銷附近私塾城內女子國民學校教員魏紹棠算題取材較深學生多不能演足徵教授乖方該校經費既有盈餘應添聘女師一員以謀發展至該縣學生不足額教員欠深造者幾爲各校之通弊尤應嚴加整頓以收實效合行令仰該知事查照認真辦理毋稍瞻徇仍將辦理情形呈報核奪切切此令

批趙泉呈請發禁止軍人滋擾布告文二月二十一日

呈悉查此案本署前准步軍統領公署咨據該民人趙泉呈請查禁保護一節業經令行宛平縣知事遵照辦理矣合亟批示知照此批

批張振昌等呈爲神靈顯應請頒匾額文二月二十一日

據呈昌平縣屬白龍潭龍神詞神靈顯應請准轉呈請頒匾額等情已悉查此等案件本署向無成例可循碍難照准至該民人等爲重農報本仰答神靈起見如請由本尹撰給匾額尙無不可惟須由該民人等自向該管縣署呈候查明屬實察酌轉呈方能頒發仰即遵照此批

批李蔭棠等呈請擇優任用文二月二十一日

據呈已悉仰候遇有相當位置再行酌量任用可也此批

批萬域臣呈現任警察職教員等應否以官吏論文二月二十二日

據呈已悉查該員日前呈請解釋現任警察職教員及警察稽查員受有官署委任並高級行政官署備案者是否有備選舉權一案業經本公署據情轉呈

內務部請予解釋在案茲奉

指令內開查警察學校教員應不以官吏論無庸停止其被選舉權前於九年十二月曾經籌備國會事務局解釋有案至所稱現任警察職員如係學校內之職員應與教員一律辦理倘係學校外之警察職員而又受本省高級行政官署委任者及充本縣警察稽查員受縣知事委任呈經高級行政官署准予備案者均應以官吏論停止其被選舉權合亟令仰遵照此令等因奉此除通令二十縣知事一律遵照外合行批示該員知照此批

批宋榮呈爲迅予飭催良鄉公布學款文二月二十三日

呈悉仰候縣覆到署再行核辦此批

批董現等呈爲加征芝蔴捐補助學款商民交困礙難照辦情形文二月二十三日

呈悉查此案已據縣署呈復備案至該商等所請設立菜市官秤一節既據稱已呈縣署仰卽靜候縣署核辦可也此批

批固安商號代表謙吉等呈爲縣署對於偽設官銀號處理失當請飭取消文二月二十三日

呈悉查此案現據該縣知事呈報到署核其所擬辦法尙屬平允蓋清理舊股及籌備改組事宜所有一切手續不無繁難之處以六個月爲限尙恐不能竣事實非設心延宕別有圖維况既表明在此限期內不得發行官銀號支票及儲蓄等事已無所謂招搖及侵害之餘地該商等所稱奇異辦法兩歧辦法未免過慮總之此案雙方意見既各洞明自應互相諒解免爲己甚本尹待人應事一秉大公生平酷愛和平最不喜以無味之競爭致激成騎虎不下之勢該商等深明大義務當體會斯旨各息糾紛除將原呈抄發該縣知事查照辦理外仰卽遵照此批

批通縣人王李氏呈爲王朝林等盜去粮石縣所不予獲究請飭剿辦文二月二十六日

呈悉已鈔發原呈令縣迅予傳訊依法判決矣仰卽知照此批

批黃慎齋呈王信亭謀奪家產請派員查勘附單文二月二十六日

呈悉仰候令催財政廳迅速派員前往查勘可也此批

批張維成等呈爲趙齡泰等糾衆明搶毆傷致廢一案文三月一日

呈悉已令行該縣知事調訊確情依法處辦矣仰卽知照此批

批麟厚呈爲武清祖遺賞地莊頭趙福等不認對佃請令押追文三月一日

呈悉查此案迭據該民具呈並奉

內務部訓令節經令縣查核辦理在案據呈已由該縣署傳訊該地共爲若干是否確係該民祖產仰候令行武清縣知事迅速查明秉公辦理具報此批

批賈德隆呈請給緝私執照文三月三日

呈悉查私售砂石例無禁止明文前據該商具呈到署業經明白批示並令行昌平縣查禁私採在案茲據呈稱應交砂差尙欠四十三石應即趕緊補交清楚領取收據呈由昌平縣轉報來署以憑核辦所請發給緝私執照碍難照准此批

批三興成等呈請恢復羊行代征牙稅文三月三日

據呈已悉仰候令行財政廳查復核奪此批

批楊趙氏呈爲王杰曾吊打押罰氏子楊福元氣斃一案文三月三日

呈悉已據情令行安次縣迅予依法審判矣仰即知照此批

批張致豐等呈創設華昌煤廠轉運局請核准文三月三日

呈圖均悉該商等爲救濟京師燃料缺乏起見集資創設華昌煤廠轉運局由王平村至家店沿桑十河浮設輕便鐵路一條以期輸運便捷暫行試辦一年如著有成效自第二年起每年情願報效公益捐洋二千元分期交納並請准予飭由該管縣署轉飭警區隨時照料以保安全等情事關振興商業尙屬可行惟所定路線

經過河灘各處有無窒碍及有無民地在內仰候令行宛平縣知事查明呈復後再行核飭遵照可也此批

批尹承福等呈爲發起京兆自治聯合會請核准文三月三日

呈暨簡章均悉查京兆辦理自治情形已由提倡期間趨於實施時代本公署自呈奉

明令核准施行日期以來刻正督促進行依限辦理各縣議會依法成立後所有縣自治第九條列舉各項之自治事務自應次第舉辦以符名實該發起人等既熱心自治各項自治事業待人辦理者正多儘可由各本縣事實上着手以盡有責之義務此時正在籌進日期查無聯合之必要所請應暫緩行仰卽知照此批

* 附 錄 *

視察順義縣學務報告書

視學員張鶴浦

(一) 教育行政狀況

縣知事 唐知事到任甫及一月學務已着手進行現傳催各村或擴充新校或整頓舊校凡疲玩村莊歷任所未能辦到者一經該知事傳訓懲罰莫不遵辦其他各村亦聞風知警爭自濯磨蓋先聲奪人自不啻風行草偃茲復擬訂有地若干畝以上者必須令子弟入學辦法以爲強迫教育之先聲苟久於其任則該縣教育不難普及也

勸學所 所長徐承烈實心任事積極進行向每以官廳行政之力不能盡輔助之以達其美滿之目的輒懷快快自經唐知事雷厲風行遂自奮興思藉此時機以償素抱勸學員單附張春林勤於查視報告認真頗

能以學務爲己任時思改進之方頗稱得力

教育股員 李夢雲久於學務穩健老成實行經理學務文件裨益良多如勸學員查視各校隨查隨報隨呈隨令每校一呈卽每校一令手續清楚毫無積壓可爲各縣冠此固勸學所辦事敏速而該員之勤於服務亦可想見

巡行教員 張緝熙每年巡行各校一週每校約佔一日均有指導且多作示範可謂勤於服務現正攝攝星期日學生講演溫課時教員發問二辦法亦關重要惟報告書體例眉目不甚清楚當卽面囑改良

義務教育 校數本年擴充七校已列入第二屆進行成績報告表學生數據上學期調查總數爲五千零一十二較歷次所報總數(預備時已有數併第一二期增加數併計)雖減二百九十三人然亦能及總數十分之一之程限現爲進行第三期雖尙未調查清楚然官紳協力督促學生當可增加屆期或不難達預定之程限

推行國語 國語講習所本年尙未舉辦各校改用國語課本者亦甚寥寥據於明年着手推行但現尙無切實辦法

(二) 學校教育狀況

乙種農業學校 設備缺標本儀器試驗場一段計五畝有半劃分五區學生二十六人缺席三人單級三組校長李祖濬實心任事教員楊德馨乙種農業教員養成所畢業時因事告假李校長授國文分段試講注重學生自動表簿完全學生農場實習亦均有記錄足見管訓盡心惟招生困難是其弱點而社會上之不

信任此等學校亦可見一斑將來施行新學制若改爲職業學校尤恐不易招生擬改爲高級小學與第五模範同院或合併爲六年完全小學是或一道

縣立第一高等小學校 設備略能敷用學生三級計一百零九人缺席八人單式多級編制齊整校長楊得馨教員袁進仁王恩沛嚴錫爵趙夢庚均教授認真楊授算術板間訂正特見精細王授國文逐層發問頗中肯綮嚴授國文試讀注重發音及其語氣之緩急抑揚趙授算術講解算題極清楚公同訂正時用語再明確則尤美矣表簿完全成績國文平平改筆有欠嚴密處手工多切實用經費歲支二千零二十六元尙敷用

該校學生發達內容尙好惟校舍只新建二教室餘係舊房不適用且宿舍散漫尤不便管理宜規畫改良重事修建至公賣部工作部圖書閱覽室學校週刊或旬刊月刊於學生知識技能文學各方面均有裨益宜設法增添

縣立第二高等小學校 在牛欄山鎮設備除標本儀器尙付闕如外餘略具學生二級一單式一複式共四十人缺席七人正教員兼校長馮連匯師範畢業教員李維瀛清文生甄別合格擔任國文歷史教員傅春元中學畢業本日傳教員授地理(中國人文地理概要)講原文之先說明大意盡力發揮但諸事注入且事項次序未提示清楚恐學生觀念終欠明確是教授盡心而教法尙欠研究者馮教員授圖畫改畫地圖以求應用管訓無甚實施事項惟教員輪流值日經費歲支八百二十八元分四季由會計處支領現秋冬兩季尙未發頗覺支絀該校設備未全學生亦少教授雖屬盡心而精神終欠煥發宜設法整頓以求發展

縣立第一模範國民學校 設備完具學生二級均複式共七十四人缺席十三人校長王炳輝教員趙春華張沛霖師講畢業張教員告假校長授三四年生國文(四)書法(三)讀法(慶甲)教法注重自動能搜集計文哀啟書文等作直觀教授尤特別盡心趙授一二年生國文(一)書法(一)讀法教材係兒歌(用實驗國語科本)用唱歌以代誦讀講明大義逐層問答動中發要教法頗佳成績手工特優自製計數器本縣地圖模型及彫刻圖章等均適實用該校內容頗佳惟校舍不適宜難言模範宜改建教室以壯觀瞻而符名實已協同該縣知事察看地勢指定修二座教室令該校長招工勸估矣

縣署立模範國民學校 設備完具學生三十人缺席九人教員紀效超師講畢業副教員萬春祿高小畢業萬義授圖教材(甲)三種旗(乙)蝶(丙)團扇未作預備問答突揭示範畫且乙丙教材與時不合蝶形二個不同宜問答說明畫蝶翅宜先左後右均其欠研究之點經費歲約二百三十元概由縣署開支該校自前李知事恒實創辦計捐款千餘元前蕭知事榮章繼任接辦亦捐款百餘元現唐知事繼任不但慨允接辦尙擬大加擴張縣知事能捐廉興學亦自可嘉除唐知事俟積有成數再行核辦外可否令該縣轉令勸學所調查李蕭兩知事捐款確數造冊呈報按照捐資興學條例分別核獎以昭激勸

第五模範國民學校 在楊各莊與乙種農業學校同院設備粗具學生四十二人缺席一人教員王鈔師範修業三年李占鰲甄別合格王授國文語言了亮態度亦好惟於乙組「樂羊子妻」一課說明大意因過泥原文轉於課中要旨未能逐層說透且丙組於周旋進退迴避等難句須以表演出之學生觀念方易明確該教員教授盡心對於教法再詳加研究則善矣

